

## ILUARSISAQ

13. oktober 2015

UKA 2015/43

**Inatsisartut aaliangigassaattut siunnersuut, Naalakkersuisut peqqunneqassasut nuna tamakkerlugu ukiuni 10-20-ni siumoortumik sanaartornermut pilersaarutininik suliaqassasut, minnerpaamik kommunit pisinnaasaat agguataarneqarlutik kiisalu kommunit suleqatigalugit suliarineqartumik. Sanaartornermut pilersaarutit imaqqassapput Namminersorlutik Oqartussat kiisalu Kommunit sanaartornermut suliaat, taamaasilluni eqqortumik tulleriarineqarsinnaaniassammata kiisalu pilersaarusiornikkut kommunit taamatuttaarlu sanaartornermut suliaqartunut kiisalu kommuninut suliaassat suliaqartartut naammassineqarsinnaaneri pillugit.**

(Inatsisartunut ilaasorta, Agathe Fontain, Inuit Ataqtigiit)

### **Akissuteqaat**

Aningaasaqarnermut Aatsitassanullu Naalakkersuisoq)

### **Siullermeerneqarnera**

Aalajangiiffigisassatut siunnersuummut Naalakkersuisut qujassuteqarput.

Siunnersuutigineqarpoq Naalakkersuisut peqqunneqassasut sanaartornermut pilersaarutininik nuna tamakkerlugu kommunit suleqatigalugit suliaqassallutik.

Naalakkersuisut siunnersuutaasoq tunngaviatigut isumaqatigivaat. Naalakkersuisulli allannguutissatut siunnersuummik matumani siunnersuuteqarusupput, sanaartornermut pilersaarutininut suliaq ingerlallereernera pissutaalluni. Tamanna saqqummiunneqarpoq Nuna tamakkerlugu pilersaarusiornermut 2015-imut nalunaarummi, "Ataqtigiissaarineq pisarialik"-mi.

Nuna tamakkerlugu pilersaarusiornermut nalunaarummit sanaartornermut pilersaarutininut suliamut killiffik nassaassaavoq. Tassani ersersinneqarpoq januar 2014-imiit isumasioqatigiinnerit pingasut ingerlanneqarsimalereertut Namminersorlutik Oqartussanit, Kommuninit, KANUKOKA-mit kiisalu Namminersorlutik Oqartussat suliffeqarfiutaannit peqataaffigineqartunik. Isumasioqatigiinnernit taakkunanga siunnersuutininik politikkikkut ataqtigiissaarinerimik suliaqartartunut nassiussisoqarsimavoq, ataqtigiissaarisut Naalakkersuisunit, borgmesterinit kiisalu KANUKOKA-mit ilaasortaqarput.

Nuna tamakkerlugu pilersaarusionermut nalunaaarusiami takussutissiaqarpoq sanaartornermut pilersaarutitut suliami sumut killiffeqartoqarnerseq, immikkoortortat suliarineqarnissaannik isumaqatigiissutaasimasut matumani pineqarlutik. Aammattaaq sanaartornermut pilersaarusionik immikkoortortanut, pisortanit pigineqartunik namminersaminnik sanaartornermik pigisaqanngitsut eqqarsaatigalugit. Taakku takornariaqarnermut, aatsitassanut, aalisarnermut, piniarnermut nunalerinermullu tunngasinnaapput. Immikkoortortani allani sanaartornerit inuussutissarsiornerup ineriartortinneqarnissaanut periarfissanik inuussutissarsiutitut taakkununga sunniuteqartarput. Paarlattuanik assersuutigalugu takornariaqartitsinermik inuussutissarsiuteqarneq akilersinnaasutut inuussutissarsiutigineqarnissaannik kissaateqarneq sanaartornermut pilersaarummi mittarfeqarfanni toqqaannartumik sunniuteqarpoq.

Piffissami matumani Kommunit pilersaarutitut periusissanik suliaqarput, suliaqarnermilu tassani Kommunalbestyrelsit Kommunit ataasiakkaat qanoq pilersaarusionertarnissaannik najoqqutassanik ilusilersuillutik. Pilersaarutitut periusissani takuneqarsinnaavoq sanaartornermut pilersaarusionerup annerusumik isiginiarneqarnera kiisalu Namminersorlutik Oqartusannik sanaartornermut pilersaarusionermi suleqatigiinneq.

Naalakkersuisut aammalu Kommunit isumaqatigiissutigaaq aningaasaleriaatsinik agguataarneqarsimasunik aqqissuussinerit atorunnaarsinneqassasut, tamatuma takutimmagu allaffissornermik annertuumik nassataqartartoq aammalu naammattumik iluaqutissarsiffiusanngitsut. Taarsiullugu eqqarsaataavoq sanaartornermut aningaasaliissutaasartut annertunerusut kommuninut nuukkiartuaarneqarnissaat. Tamatuma iluatsinnissaannik naalakkersuisoqarfiit kommunillu akornanni sanaartornermut pilersaarutit pillugit oqaloqatiginninnerit apeqqaataassapput.

Ammanerunissaq kiisalu naatsorsuutigisinnaassuseq tassaassapput iluaqutigineqarsinnaasut ataqatigiissarluakkamik ataavartumillu sanaartornermut pilersaarusionerup sinaakkusersorneqarnera iluaqutaasumik qulakkeerneqarnissaa tamanut pisortanut namminersorlutillu aningaasaliisunut.

Naalakkersuisut siunnersuuteqartumut isumaqataapput, sanaartornermut pilersaarusionerup politikikkut pingaarnersiuerimmi pitsaanerusumik tunngaveqassammat kiisalu pisortani pitsaanerusumik pilersaarusionikkut, soorlutaaq namminersortutut ingerlataqartunut tamaanna iluaqutaajumaartoq.

Kiisalu Namminersorlutik Oqartussat aammalu Kommunit aningaasaqarnikkut aqutsinerisa nukittorsarneqarnissaat pillugu, sanaartornermut pilersaarutit ukiut qulikkaarumik suliarineqarnissaat taakkunangalu ataqatigiilersitsineq kiisalu aningaasaqarnikkut pilersaarusioniat allat EU-mik peqatiginnilluni suleqateqarnermut anguniakkamut naleqqupput.

Naalakkersuisut, sanaartornermut pilersaarusionik suliaqarnerannut ingerlaalereersumut soorlu siunnersuuteqartumit allaaserineqartoq, allanguutissatut siunnersuut imaattoq inassuteqaatigaat:

**"Ukiuni qulikkaarumit sanaartornermut pilersaarusionerup ingerlaalereertup**

**ineriartortinneqarnissaanik aammalu sanaartornermut pilersaarutinik suliaqarnermi kommunit  
suleqatigineqarnerisa nukittorsarneqarnissaanik Naalakkersuisut sulissuteqaqqullugit  
Inatsisartut aalajangiiffigisassaattut siunnersuut. Nuna tamakkerlugu pilersaarusionermit  
2016-imut nalunaarusiassami suliaq Inatsisartunut killiffissiorlugu saqqummiunneqassaaq".**